



Broj: UP-I-13-15.04-7/16  
Datum: 15.06.2016.godine

Komisija za papire od vrijednosti Brčko distrikta BiH, rješavajući po zahtjevu emitenta Dioničko društvo za osiguranje „Osiguranje Garant“ d.d. Brčko, ulica Banjalučka broj 54 na osnovu člana 26. stav (1) i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04, 28/07 i 14/12 ), člana 80. Pravilnika o uslovima i postupku emisije papira od vrijednosti ("Službeni glasnik Brčko distrikta BiH", broj: 3/08 i 34/08) i člana 187. Zakona o upravnom postupku Brčko distrikta BiH ("Službeni glasnik Brčko distrikta BiH prečišćen teks", broj: 48/11), na svojoj 126. redovnoj sjednici održanoj dana 15.06.2016.godine, *donijela je*

### ***Rješenje***

o uspješnosti IV emisije zatvorenim ponudom emitenta «Osiguranje Garant» d.d. Brčko, Banjalučka 54

1. Utvrđuje se da je uspjela IV (četvrta) emisija dionica zatvorenim ponudom ulozima u novcu emitenta «Osiguranje Garant» d.d. Brčko, Banjalučka 54 po osnovu emisije dionica zatvorenim ponudom.
2. Emisijom dionica zatvorenim ponudom ulozima u novcu izvršena je IV (četvrta) emisija dionica, te je emitent «Osiguranje Garant» d.d. Brčko emitovao i izvršio prodaju novih 1.033 običnih dionica, nominalne vrijednosti 100,00 KM po jednoj dionici.
3. Konstatuje se da «Osiguranje Garant» Brčko, povećava osnovni kapital sa 2.396.700 KM na 2.500.000 KM, odnosno vrši se povećanje broja dionica sa 23.967 na 25.000 običnih dionica, nominalne vrijednosti 100,00 KM po jednoj dionici.

### ***Obrazloženje***

Komisija za papire od vrijednosti Brčko distrikta BiH je na svojoj 125. redovnoj sjednici, održanoj dana 10.06.2016. godine, donijela Rješenje o odobrenju IV emisije dionica zatvorenim ponudom emitentu, Dioničko društvo za osiguranje „Osiguranje Garant“ d.d. Brčko, Banjalučka 54 broj: UP-13-15.04-7/16 od 10.06.2016. godine.

Podnosilac zahtjeva je podnio zahtjev za izdavanje rješenja o uspješnosti IV emisije zatvorenim ponudom i dostavio Izvještaj banke depozitara „Pavlović internacional bank“, AD Bijeljina o rezultatima emisije novih dionica/akcija društva za osiguranje „Osiguranje Garant“ d.d. Brčko putem zatvorene ponude, potvrdu o deponovanim uplatama u postupku IV emisije običnih dionica zatvorenim ponudom radi povećanja osnovnog kapitala društva za osiguranje „Osiguranje Garant“ d.d. Brčko, izdatu od strane „Pavlović internacional Bank“ a.d. Bijeljina i izjavu o upisu četvrte emisije dionica društva za osiguranje „Osiguranje Garant“ d.d. Brčko potpisanu od strane upisnika i odgovornog lica.

Nakon izvršenog uvida u navedeni Izvještaj može se konstatovati da isti sadrži sve potrebne elemente utvrđene u Zakonu o papirima od vrijednosti Brčko distrikta BiH i Pravilniku o uslovima i postupku emisije papira od vrijednosti.

Emitent je dostavio svu potrebnu dokumentaciju i isprave utvrđene u Zakonu o papirima od vrijednosti Brčko distrikta BiH i Pravilniku o uslovima i postupku emisije papira od vrijednosti, čime ispunjava uslove da se IV emisija novih dionica zatvorenom ponudom ulozima u novcu unaprijed određenom kupcu emitenta „Osiguranje Garant“ d.d. Brčko proglasi uspješnom.

Iz dostavljenih akata, dokumenata i isprava Komisija je utvrdila da je emitent postupio u skladu s članom 25. i 26. Zakona o papirima od vrijednosti i članovima 79.-81. Pravilnika o uslovima emisije papira od vrijednosti, čime su se stekli uslovi da Komisija odluči, kako je navedeno u dispozitivu rješenja.

*Pouka o pravnom lijeku:*

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

1. Dioničko društvo za osiguranje „Osiguranje Garant“ Brčko
2. Pavlović Internacional bank, AD Bijeljina,
3. Centralni registar
4. Evidencija,
5. Arhiva

Predsjednik

Mirsad Bešlagić, MA